
PEIRE DE BOSSINHAC.

7225.

PEIRE DE BOSSIGNAC si fo un clercs gentils hom d'Autafort ,
del castel d'en Bertran del Born. Trobaira fo de bons sirventes de
reprendre las domnas que fazian mal , e de reprendre los sirventes
d'eu Bertran del Born.

2701 , 7225-6.

QUAN lo dous temps d'abril
Fa'ls albres secs folhar ,
E'ls auzels mutz cantar ,
Quascus en son lati ,
Ben degr' aver en mi
Poder de tal trobar ,
Com pogues castiar
Las domnas de falhir ,
Que mals ni dans no m'en pogues venir.

Qu'ieu cugei entre mil
Una bona trobar ,
E non o puec anc far ;
Ans segon lor traï ,
E fan o atressi
Co'l laires al bendar ,
Que vol aver son par
A las antas sofrir ,
Per que'l mazans sobre lui totz no s vir.

Qui en loc feminil
Cuja feudat trobar
Ben fari' à blasmar ;

Qu'ieu ditz qu'en jatz cani
Vai be cercar sai.
Ni qui vol comandar
Sos poletz ni bailar
Al niblan per noirir ,
Ja us dels grans no m do pois per raustir.

E quella que del fil
A sos ops no pot far ,
Ad outra'n fai filar ;
E ja peyor mati
Nous cal de mal vezi :
Que so qu'avetz pus car
Vos faran adirar ,
O tal res abelir
Que d'est mil ans nous pquiri' avenir.

Tant an prim e sotil
Lur cor per enganar ,
C'una no pot estar
Que sa par no gali ;
Pueis s'en gab' e s'en ri
Quan la vei folejar :
E qui d'autrui afar
Tan gen se sab formir ,
Ben es semblan que'l sieu sapch' enantir.

Si las tenetz tan vil
Que las voillatz reptar ,
Semprens iran jurar
Sobre las dens n Arpi ,
Que so qu'om au ni di
No fai à consirar :
E sabran vos pagar
Tan gen ab lor mentir ,
C'à lurs engans nuls hom no s pot gandar.

Ans Rainart d'Alengri
Mielhs no se saup venjar,
Quant lo fes escorjar
Ni l det per escarnir
Capels e gans , com ieu fas quan m'azir.
Domnas , pois castiar
· Nous voletz de faillir ,
O ans o cans vos en faran gequir.
